

Virginis Mariæ, atque omnium Sanctorum, ad nomen et memoriam Sancti N. Pax tibi.

Deinde Pontifex procedit ad secundum altare et facit unctiones ut in primo, ac deinceps in reliquis. Post unctiones super altaria confectas redit ad primum altare et accepto thuribulo a Sacerdote altare incensante, imposito, et benedicto, ut prius, incenso, stans cum mitra inchoat iterum, schola seu ministris prosequentibus, Responsorium:

Dirigatur * oratio mea, sicut incensum in conspectu tuo Domine.
V. Elevatio manuum mearum sacrificium vespertinum.

Quo incepto, Pontifex circuit iterum semel primum altare ad dexteram, illud incensando; quo facto redit ad secundum altare, quod thurificat ut primum et restituito thuribulo Sacerdote revertitur ad primum altare et Responsorio finito, Pontifex, deposita mitra, dicit:

Orémus. Et ministri: Flectamus genua. R. Levate.

Adesto Domine dedicacioni harum mensarum tuarum, et in eas, quæ a nobis indignis sancto linite sunt oleo, bene * dictionis et sancti * ficacionis tue virtutem, et consecracionem infunde: Qui vivis et regnas Deus, per omnia secula seculorum. R. Amen.

Alia Oratio. Orémus.

Omnipotens sempiternus Deus, altaria hæc quæ in honorem tuum, et in memoriam Sanctorum tuorum N. N. nos indigni consecramus, virtute tue bene * dictionis sanctifica: et omnibus te hic invocantibus, atque in te sperantibus auxilii tui munus ostende; ut his altaribus impõsita munera semper accepta fieri digneris; et in eis Sacramentorum virtus, et votorum semper obtineatur effectus. Per Christum Dominum nostrum. R. Amen.

Qua finita, Pontifex incipit, schola seu ministris prosequentibus, Antiphonam:

Unxit te Deus * Deus tuus oleo lætitiæ præ consortibus tuis.

Ps. 44. Eructavit cor meum. pag. 169.

Et non dicitur Glória Patri.

Incepta Antiphona, Pontifex, accepta mitra, iterum facit quinque cruces de sancto Chrismate cum pollice dexteræ manus in medio tabulæ primi altaris, et in quatuor ejus angulis, ordine supra posito, pag. 437. ad quamlibet crucem dicens:

Sancti * ficetur, et conse * cretur lapis iste. In nomine Pa * tris, et Fi * lii, et Spiritus * sancti, in honorem Dei, et gloriosæ Virginis Mariæ, atque omnium Sanctorum, ad nomen, et memoriam Sancti N. Pax tibi.

Deinde Pontifex redit ad secundum altare, ubi conficit unctiones ut supra, idemque facit in reliquis altaribus. Uctionibus peractis revertitur ad primum altare et accepto thuribulo a Sacerdote incensante, imposito, et benedicto, ut prius, incenso, stans cum mitra inchoat, schola seu ministris prosequentibus, Responsorium:

Dirigatur * oratio mea sicut incensum in conspectu tuo Domine.

V. Elevatio manuum mearum sacrificium vespertinum.

Quo incepto, Pontifex circuit semel primum altare ad sinistram, illud incensans, ut prius; quo incensato, redit ad secundum altare, quod thurificat ut primum, et sic facit in reliquis, et restituito thuribulo Sacerdote, et Antiphona finita, Pontifex, deposita mitra, dicit:

Orémus. Et ministri: Flectamus genua. R. Levate.

Descendat, quæsumus Domine Deus noster, Spiritus tuus sanctus super hæc altaria, qui et dona nostra, et populi tui in eis sanctificet, et sumentium corda dignanter emundet. Per Christum Dominum nostrum. R. Amen.

Qua dicta, Pontifex inchoat, et schola seu ministri prosequuntur, Antiphonam:

Sanctificavit Dominus * tabernaculum suum: quia hæc est domus Dei, in qua invocabitur nomen ejus, de quo scriptum est: Et erit nomen meum ibi, dicit Dominus.

Ps. 45. Deus noster refugium. pag. 170.

Et non dicitur Glória Patri, sed Antiphona repetitur. Interim dum Antiphona et Psalmus prædicti dicuntur, Pontifex, accepta mitra, fundit et spargit oleum Catechumenorum, et Chrisma pariter desuper primum altare, illud manu dextera confricans, liniens, et perungens. Deinde redit ad secundum altare, in quo spargit olea sacra ut in primo, idemque facit in reliquis omnibus. Quo facto, redit ad primum altare, et incipit, schola seu ministris prosequentibus, Antiphonam:

Ecce odor filii mei, * sicut odor agri pleni, cui benedixit Dominus: crescere te faciat Deus meus, sicut arenam maris: et donet tibi de rore cœli benedictionem.

Ps. 86. Fundamenta ejus. pag. 122.

Et non dicitur Glória Patri.

Finito Psalmo, Pontifex stans cum mitra, dicit:

Lápides hos, fratres carissimi, in quibus unguentum sacræ unctionis effunditur, ad suscipienda populi sui vota et sacrificia, orémus ut Dominus noster bene * dicat, et conse * cret, et quod est unctum a nobis, sit unctum in nomine ejus: ut plebis vota suscipiat, et altaribus per sacram unctionem perfectis, dum propitiacionem sacrorum imponimus, ipsi propitiores Dei esse mereamur. Per Jesum Christum Dominum nostrum, qui cum eo, et Spiritu sancto vivit, et regnat Deus in secula seculorum. R. Amen.

Quo dicto, inchoat, schola seu ministris prosequentibus, Antiphonam:

Ædificavit Moyses * altare Domino Deo, offerens super illud holocausta: et immolans victimas, fecit sacrificium vespertinum in odorem suavitatis Domino Deo, in conspectu filiorum Israël.

Qua finita, stans adhuc cum mitra, dicit:

Dei Patris omnipotentis misericordiam supplices implorémus, fratres carissimi, ut altaria hæc sacrificiis spiritalibus imbuenda, nostræ vocis exoratus officio præsentis bene * dictione sanctificet, atque in eis semper oblationes famulorum suorum studio sanctæ

devotiõnis impõsitas bene ✠ dicere, et sancti ✠ ficare dignetur; et spirituáli placatus incenso præcibus familiæ suæ promptus exauditor assistat. Per Christum Dõminum nostrum. *R.* Amen.

Deinde benedicit incensum super altaria cremandum, stans ibidem, deposita mitra, et dicens:

V. Dõmine exaudi orationem meam.

R. Et clamor meus ad te veniat.

V. Dõminus vobiscum. *R.* Et cum spiritu tuo.

Orémus.

Dõmine Deus omnipotens, cui assistit exercitus Angelorum cum tremore, quorum servitium spirituále et igneum esse cognoscitur, dignare respicere, bene ✠ dicere, et sancti ✠ ficare hanc creaturam incensi, ut omnes languores, omnesque infirmitates, atque insidiæ inimici odorem ejus sentientes effugiant, et separentur a plasmate tuo, quod pretioso Filii tui sanguine redemisti, ut nunquam lædatur a morsu iniqui serpentis. Per eundem Christum Dõminum nostrum. *R.* Amen.

Deinde aspergit ipsum aqua benedicta, et accepta mitra, format propria manu ex ipso incenso quinque cruces, quamlibet de quinque granis, super illa quinque loca primi altaris, in quibus cruces de aqua et oleo ac Chrismate factæ prius fuerunt, et super quamlibet crucem thuris ponit unam crucem factam de subtili candela, ad mensuram crucis de granis incensi factæ, et cujuslibet crucis capita accenduntur, ut cum ipsis thus comburatur, et cremetur. Quo facto Pontifex accedit ad secundum altare et facit eodem modo cruces incensi superimponens cruces de subtili candela factas ut in primo altari, itemque deinceps in reliquis. Omnibus autem crucibus accensis, Pontifex redit ad primum altare, et deposita mitra, flexis coram altari genibus, inchoat, schola seu ministris prosequentibus:

Allelúja. *V.* Veni sancte Spíritus, * reple tuorum corda fidelium, et tui amoris in eis ignem accende.

Nisi Consecratio hujusmodi fieret inter Dominicam Septuagesimæ, et Festum Paschæ Resurrectionis Domini nostri Jesu Christi quia tunc, omisso Allelúja, dicitur Versus tantum. Quo dicto, surgit Pontifex stans ibidem versus ad altare, sine mitra, et schola seu ministri cantant Antiphonas duas sequentes:

Ascendit fumes aromatum in conspectu Dõmini de manu Angeli.

Alia Antiphona.

Stetit Angelus juxta aram templi, habens thuribulum aureum in manu sua: et data sunt ei incensa multa; et ascendit fumes aromatum in conspectu Dei.

Quibus finitis, Pontifex adhuc stans ante altare sine mitra, dicit:

Orémus. Et ministri: Flectamus genua. *R.* Levate.

Dõmine sancte, Pater omnipotens æternæ Deus, clemens, et propitius, preces nostræ humilitatis exaudi, et respice ad horum altarium tuorum holocaustum, quod non igne visibili probetur, sed infusum sancti Spíritus tui grátia in odorem suavitatis ascendat,

et legitime se sumentibus Eucharistia medicabilis fiat, ad vitamque proficiat sempiternam. Per Christum Dõminum nostrum.

R. Amen.

Post hæc combustis candelis et thure, cineres illius combustionis per unum ex ministris cum spatulis ligneis e singulis altaribus abraduntur, et collecti in aliquo vase, projiciuntur in sacrarium. Interim Pontifex sine mitra stans ante gradus primi altaris, versus ad altare, dicit:

Orémus. Et ministri: Flectamus genua. *R.* Levate.

Deus omnipotens, in cujus honorem, ac beatissimæ Virginis Mariæ, et omnium Sanctorum, ac nomen et memoriã Sanctorum tuorum *N. N.* nos indigni altaria hæc consecramus, clemens et propitius preces nostræ humilitatis exaudi; et præsta; ut in his mensis sint libamina tibi accepta, sint grata, sint pingua, et sancti Spíritus tui semper rore perfusa; ut omni tempore his in locis supplicantis tibi familiæ tuæ anxietates releves, ægritudines cures, preces exaudias, vota suscipias, desiderata confirmes, postulata concedas. Per Dõminum nostrum Jesum Christum Filium tuum: Qui tecum vivit et regnat in unitate ejusdem Spíritus sancti Deus.

Deinde eodem modo stans, dicit mediocri voce, extensis manibus antepectus, hanc Præfationem:

Per omnia sæcula sæculorum. *R.* Amen.

V. Dõminus vobiscum. *R.* Et cum spiritu tuo.

V. Sursum corda. *R.* Habemus ad Dõminum.

V. Grátias agamus Dõmino Deo nostro.

R. Dignum et justum est.

Vere dignum et justum est, æquum et salutare, nos tibi semper, et ubique grátias agere, Dõmine sancte, Pater omnipotens, æternæ Deus, et clemens: cujus nec initium, nec finis advertitur; qui quantus es, tantus esse voluisti, sanctus scilicet, ac mirabilis Deus, cujus majestatem elementa non capiunt. Te benedicimus, te supplices deprecamur, ut tibi sint altaria hæc, sicut illud quod Abel salutaris mysterii in passione præcursor, jugulatus a fratre, novo sanguine imbut, et sacravit. Sint tibi Dõmine altaria hæc, sicut illud quod Abraham pater noster, qui videre te meruit, fabricavit, et invocato tuo nomine, consecravit, in quo sacerdos Melchisedech sacrificii formam triumphalis expressit. Sint tibi Dõmine altaria hæc, sicut illud, super quod Abraham seminarium fidei nostræ Isaac filium suum, dum tibi toto corde credidit, toto corde imposuit. In quo salutaris mysterii sacramentum dominicæ Passionis ostensum est, dum offertur Filius, Agnus occiditur. Sint tibi Dõmine altaria hæc, sicut illud quod Isaac pater profundæ puritatis inveniens, abundantiam ei nomen imponens, tuæ majestati dicavit. Sint tibi Dõmine altaria hæc, sicut ille lapis quem Jacob supponens capiti suo, ascendentes et descendentes Angelos per

scalæ mystérium, somno revelante, cognóvit. Sint tibi Dómine altária hæc, sicut illud quod Móyses, susceptis mandátis, in præfiguratióne Apostólica, duódecim lápidum constructiÓne firmávit. Sint tibi Dómine altária hæc, sicut illud quod Móyses septem diérum purificatiÓne mundávit, et cœlesti tuo collóquio, Sancta Sanctórum vocávit. Sicut locútus es ad Móysen, dicens: Si quis tetigerit altáre hoc, sanctificátus habeátur. Sit in his ergo altáribus innocétiæ cultus, immolétur supérbia, iracúndia jugulétur, luxúria, omnisque libído feriátur, offerátur pro turtúribus sacrificium castitátis, et pro pullis columbárum innocétiæ sacrificium.

Quod sequitur, dicit submissa voce legendo, ita tamen, quod a circumstantibus audiri possit:

Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sæcula sæculórum. **R.** Amen.

Præfatione finita, Pontifex, accepta mitra, inungit cum pollice dexteræ manus Chrismate intincto, frontem primi altaris in modum crucis, inchoans, schola seu ministris prosequentibus, Antiphonam:

Confirma hoc, Deus, quod operátus es in nobis, a templo sancto tuo, quod est in Jerúsalem, allelúja.

Uctione peracta in primo altari, accedit ad reliqua altaria in quibus facit unctionem ut in primo. Quo facto redit ad altare primum.

Ps. 67. Exsúrgat Deus. pag. 75.

Quo dicto, Pontifex, deposita mitra, dicit:

Orémus.

Majestátem tuam, Dómine, humíliter implorámus, ut altária hæc sacræ unctiÓnis libámine ad suscipiéndam pópuli tui múnere inúncta poténter bene ✠ dicere et sancti ✠ ficare dignéris; ut quod nunc a nobis indignis, sub tui nóminis invocatiÓne, in honórem beatíssimæ Virgini Mariæ, et ómnium Sanctórum, atque in memoriám Sanctórum tuórum **N. N.** sacrosánci Chrismatis unctiÓne delibútum est, pláceat tibi, atque altária máneant perpétua: ut quidquid deinceps super illa oblátum sacratúmve fúerit, dignum tibi fiat holocáustum, atque ómnium hic offeréntium sacrificia a te pio Dómino benígne suscipiántur, et per ea víncula peccatórum nostrórum absolvántur, máculæ deleántur; vénia impetréntur; et grátia acquirántur: quátenus una cum Sanctis, et Eléctis tuis vitam percípere mereámur ætérnam. Per Christum Dóminum nostrum.

R. Amen.

Tum Pontifex, accepta mitra, cum pollice dexteræ manus Chrismate intincto, inungit in modum crucis conjunctiones mensæ seu tabulæ primi altaris et tituli, sive stípitis, in quatuor angulis, quasi illa conjungens, ad singulas cruces dicens:

In nómine Pa ✠ tris, et Fi ✠ lii, et Spíritus ✠ sancti.

Postea redit ad secundum, easdemque ut in primo unctiones ibi conficit, atque ita de reliquis. Postea redit ad altare primum et deposita mitra, dicit:

Orémus.

Súpplices te deprecámur, omnípotens ætérne Deus, per unigénitum Fílium tuum Dóminum nostrum Jesum Christum, ut altária hæc sanctis úsibus præparáta, cœlesti bene ✠ dictione sanctífices; et, sicut Melchisedech sacerdotis præcipui oblatiÓnem dignatiÓne mirábili suscepisti, ita impósita his novis altáribus múnere, semper accepta ferre dignéris: ut pópulus, qui in hanc Ecclesiæ domum sanctam convéniet, per hæc libámina cœlesti sanctificatiÓne salvátus, animárum quoque suárum salútem perpétuam consequátur. Per eúdem Christum Dóminum nostrum. **R.** Amen.

Post hæc Subdiaconi abstergunt diligenter cum mantilibus telæ grossæ mensas altarium; et Pontifex accedit ad sedem suam juxta primum altare, in qua cum mitra sedens fricat bene manus cum medulla panis, ac lavat, et extergit. Quo facto, Subdiaconis seu Acolythis præsentantibus ipsi Pontifici tobaleas novas et mundas, ac vasa, et ornamenta ad cultum Dei, et altarium consecratorum pertinentia, Pontifex, deposita mitra, surgit, et stans benedicit illa, dicens:

BENEDICTIO TOBALEARUM,

VASORUM, ET ORNAMENTORUM ALTARIUM CONSECRATORUM.

✠. Adjutórium nostrum in nómine Dómini.

R. Qui fecit cœlum et terram.

✠. Dóminus vobíscum. **R.** Et cum spíritu tuo.

Orémus.

Omnípotens, et miséricors Deus, qui ab iníitio utilia et necessariá homínibus creásti, quique per fámulum tuum Móysen vestiménta pontificália, et sacerdotália, seu levítica Sacerdotibus, et Levítis, atque ornáménta et lintheámina fácere fámulum tuum Móysen per quadraginta dies docuísti, atque étiam quæ María téxuit et fecit, in usum ministérii tabernáculi fœderis ordinásti, purificáre, bene ✠ dicere, sancti ✠ ficare, et conse ✠ crare per nostræ humilitátis servítium dignéris hæc ornáménta et lintheámina in usum altárium tuórum, ut divinis cúltribus et sacris mystériis apta exsistant, hisque confectiÓni Córporis et Sanguinis Jesu Christi Fílii tui Dómini nostri dignis pareátur famulátibus: Qui tecum vivit et regnat in unitáte Spíritus sancti Deus, per ómnia sæcula sæculórum.

R. Amen.

Deinde aspergit illa aqua benedicta. Tum ministri ponunt super unumquodque altare Chrismale, sive pannum lineum ceratum, ad mensuram altaris factum, deinde vestiunt altaria tobaleis, et ornamentis benedictis, ponentes desuper crucem, et alia ornáménta. Interim Pontifex stans ibidem, inchoat Antiphonam primam, schola seu ministris prosequentibus ipsam, et alias Antiphonas sequentes, et Responsoria cum suis Versibus, et Psalmis:

Antiphona.

Circúmdate, Levitæ, * altáre Dómini Dei, vestíte vestiméntis albis, estóte et vos canétes hymnum novum dicétes, allelúja.

V. Mirábilis Deus in Sanctis suis, et sanctus in ómnibus opéribus suis.

Glória Patri, et Fílio, et Spirítui sancto.

Sicut erat in princípio, et nunc, et semper, et in sæcula sæculórum. Amen.

Alia Antiphona:

Circúmdate Sion, et complectímmini eam, narráte in túrribus ejus. **V.** Magnus Dóminus et laudábilis nimis, in civitáte Dei nostri, in monte sancto ejus.

Deinde dicitur Responsorium:

Induit te Dóminus túnica jucunditátis, et impósuit tibi corónam. * Et ornávit te ornáméntis sanctis.

V. Luce spléndida fulgébis, et omnes fines terræ adorábunt coram te. * Et ornávit te.

V. Natiónes ex longínquo ad te vénient, et múnera deferétes adorábunt Dóminum; et terram tuam in sanctificatióne habébunt, et nomen magnum tuum invocábunt. * Et ornávit te.

V. Benedícti erunt, qui te ædificavérunt: tu autem lætáberis in filiis tuis, quóniam omnes benedicétes, et congregábuntur ad Dóminum. * Et ornávit te.

Et non dicitur Glória Patri, sed sequens Antiphona dicitur:

In velaménto alárum tuárum prótege nos, Dómine, et in laude tua gloriémur.

Psalmus 62. Deus, Deus meus, * ad te de luce vígilo.

Et dicitur totus prout habetur supra, pag. 158. cum Glória Patri, in fine.

Finito Psalmo, Pontifex, deposita mitra, ascendit ad altare primum, et facta cruci super altare positæ reverentia, incipit, schola seu ministris prosequentibus, Antiphonam:

Omnis terra * adóret te Deus, et psallat tibi: psalmum dicat nómini tuo Dómine.

Interim dum Antiphona cantatur, Pontifex incensat super altare in modum crucis. Quo facto redit ad secundum altare, incensat ut supra, et sic in reliquis. Deinde revertitur ad primum altare et Antiphona finita, Pontifex eam reincipit, et schola prosequitur; et interim iterum ipse Pontifex super altare primum et reliqua altaria in modum crucis incensat, quod et tertio facit: quo facto, stans ante medium primi altaris, dicit:

Orémus.

Descéndat, quæsumus Dómine Deus noster, Spirítus tuus sanctus super hæc altária qui et dona nostra, et pópuli tui in eis sanctíficet, et suméntium corda dignánte emúndet. Per Christum Dóminum nostrum. **R.** Amen.

Orémus.

Omnípotens sempitérne Deus, altária hæc nómini tuo dedicáta cœlestis virtútis bene ✠ dictione sanctífica; et ómnibus in te sperántibus auxilií tui munus osténde; ut hic Sacramentórum virtus, et votórum obtineáture effectus. Per Dóminum nostrum Jesum Christum Fílium tuum: Qui tecum vivit et regnat in unitáte Spirítus sancti Deus, per ómnia sæcula sæculórum. **R.** Amen.

V. Dóminus vobíscum. **R.** Et cum spirítu tuo.

V. Benedicámus Dómino. **R.** Deo grátias.

Quo dicto, Pontifex accedit ad sacristiam, sive sacrarium, ubi, deposito pluviali, parat se ad celebrandam Missam, si voluerit, vel facit per aliquem Sacerdotem in uno ex dictis altaribus consecratis solemniter celebrari. Missa dicitur ut in Missali, in ipsa die Dedicacionis Altaris.

Finita Missa, Pontifex dat benedictionem solemnem, et indulgentias; exiit se sacris vestibus, et vadit in pace.

DE CONSECRATIONE ALTARIUM,

QUORUM SEPULCHRUM RELIQUIARUM EST IN MEDIO SUMMITATIS STIPITIS.

Quod prædictus consecrandi altare semper servatur, quando sepulchrum Reliquiarum est in medio tabulæ altaris, a parte superiori, vel in stipite a parte anteriori, aut posteriori. Si vero sepulchrum est in medio summitatis stipitis, supra autem sit ponenda ipsa tabula, sive mensa altaris; finita aquæ benedictione, cum vino, et cinere, ut supra, pag. 407. atque Oratione.

Omnípotens sempitérne Deus, creátor, et conservátor humáni géneris, etc. pag. 409.

Pontifex stans cum mitra, et aqua benedicta hujusmodi, vino et cinere mixta, facit malþam, sive cæmentum ex calce, et sabulo, seu tegula trita ad hoc paratis, quod deinde, deposita mitra, benedicit, dicens:

V. Dóminus vobíscum. **R.** Et cum spirítu tuo.

Orémus.

Summe Deus, qui summa, et média, ímaque custódis, qui omnem creatúram intrinsecus ambiéndo conclúdis, sancti ✠ fica, et béne ✠ dic has creatúras calcis, et sábuli. Per Christum Dóminum nostrum. **R.** Amen.

Quo facto, tabula ipsa uniuscujusque altaris a stipite separata jacente, debet fieri Reliquiarum deportatio, et inclusio, Pontifice processionaliter accedente ad locum, ubi Reliquiæ sunt depositæ, in quo Pontifex stans ab extra sine mitra, dicit:

Orémus. Et ministri: Flectámus génuá. **R.** Leváte.

Aufer a nobis, quæsumus, etc. ut supra. p. 434. et continuans per omnia usque ad Conse ✠ créture, et sancti ✠ ficéture, hæc tábula, inclusive, prout supra ordinatum est, pag. 435. Quibus dictis, Sacerdotes et Levitæ elevant aras, sive tabulas, seu mensas altarium, et collocant eas super stipites; et cæmentarii cum dicto cæmento benedicto ipsas liniunt, et firmant, schola interim cantante, seu ministris dicentibus Responsorium: